

續修陝西省通志稿

第五十冊

卷九十至九十二

續修陝西通志稿卷九十

人物十七

孝義五

甯爾強乾州人八世同居乾隆中聖駕西巡御書五言詩賜之

吳士彥字碩卿乾州人兄嫂避荒四川而兄歿士彥徒步往負骸奉嫂歸葬知州李宏柱爲作特行詩聲名藉甚應童子試有同姓名者學使問曰誰爲孝友生吳士彥者遂入庠

韓際泰乾州人事親至孝親病嘗糞以驗瘥否祀忠孝祠又趙宗孟母歿廬墓三年地瀕漠谷日取溝中土堆墓上積成巨塚

高修乾州人業農母善懼臨終囑三年後舉葬家人不能待促營窆窆爭之弗得遂結廬墓傍一夕秋雨淋漓夢寐中覺足底極冷曉視之有蛇長丈餘祝而送之壑村有妖崇害人修聞而斥罵之

是夜樹籜籜有聲啓戶出四顧寂然返臥扉忽自開頓悟妖故亦不懼復罵之曰我守母墓寧死不能去也卒無恙

吳兆泰乾州人家貧事母孝弟師泰充行伍金川之役當行母有憂色兆泰白防守廳請代許之至鳳翔放歸母歿廬墓負土成塚李清泰乾州人事母至孝母歿饋奠如生時廬墓終喪負土成墳尤好修橋補路諸善舉鄉里稱善人

王選乾州人六世同居族人困徭役選出百餘金充公營運供支合族賴之乾隆十三年饑鄰人康姓家十餘口三日不舉火欲閤家自盡選饋以薪米並勸慰之遂得全活

康學超乾州武生九世同居家人百口勤儉務農子孫和睦又劉琬十一世同居又傅士選監生四世同居乾隆辛卯大饑士選集村人罄所有濟之無流亡者

呂世齊乾州人增生意氣慷慨有古人風其友某累借數百金不取償子笙歲貢生乾隆初修咸陽橋笙施豆五百石縣令表其門史敬乾州人父早亡母垂老得痼疾敬日夜侍奉家貧典衣供藥餌三年如一日母歿廬於墓側哀毀成疾卒州牧旌其門

李璽乾州人家貧親老乞丐以供甘旨母歿守墓二十餘年其子以父年老勸之歸猶日赴墓焚香虔拜

吳漢亮乾州人好施予隣里喪葬每傾囊助之歲饑出粟減價平糶貸麥米二百餘石對衆焚其券

強世璽乾州庠生母早逝事父能得歡心父歿居喪一遵古禮廬墓三年負土成墳

梁懋修乾州廩生善岐黃術有求醫者不計遠近貧富必親往十世同居家近百口內外無間言鄉人稱之

張欽乾州人事母至孝道光丁未歲大饑欽家貧乏食不得已鬻妻以養母學使旌其門

吳回春字寅斗乾州庠生父歿於邊地回春年尙幼每言及輒涕泣旣冠即徒步出塞扶父櫬歸葬家極貧舌耕度日不乞人憐卒年八十有八

吳夢元字掄齋乾州人鄉飲耆賓七世同居道光戊戌歲大饑施麥百餘石不取償

王可舉乾州人有至性母畏雷及歿廬墓三年每聞雷聲即呼曰兒在此有王元偉風焉又劉蘭芬庠生性孝友母瞽蘭芬以舌舐之目復明居喪不如葷酒廬墓一年

劉忠乾州人父早亡事母能得歡心每食必問所欲母歿哭極哀一夜撫柩悲號移時寂然家人視之氣已絕矣

任喜乾州人事親以孝聞同治初回匪擾境喜年逾五十負母奔逃猝遇賊問負何人曰老母揮之去又董三剛性至孝回賊至村人皆逃三剛以繼母病不忍去竟遇害

王生明乾州人事親孝父死新疆生明匍匐負骸骨歸葬光緒三年奇荒不乞人憐母子妻女五人俱餓死

陳明月乾州人光緒三年奇荒家無升斗粟母餓甚明月割臂食之母聞知痛哭不止數日卒明月亦死又竇振家貧親老遇奇荒乞食養父父思肉乃割臂以進州牧聞之給以藥並賑粟焉

並州志

黃鑑字子虛武功人父賈於蜀新都死葬義園時鑑甫數齡迨乾隆壬午登賢書麻衣草履匍匐往尋父柩刺血徧漬枯骨不可得旋獲石碣於土中姓氏里居俱符復刺血滴骨滲入具棺歸葬蜀人稱爲孝子後除山丹教諭誨諸生曰人之所以爲人者忠孝也

捨此何以爲學

文獻徵集錄

彭文林高有道俱武功人有道力田事親居喪常作孺子泣露守墓側年餘文林事孀母能得歡心母卒廬墓數年族弟文廣慕之事其母如文林廬墓狀數十年不少懈人稱文林爲死孝文廣爲生孝

劉文篆武功人世有孝行至文篆益卓著居母喪三年不宿內回賊之亂舉家入窖被熏死同時有楊宗泗者以父溶母黃氏屬弟宗河掖入窖避賊而獨立門外持矛與賊格鬪死蓋恐凶及及父母也

楊天德武功人少勤學以時方用武遂習弓馬入武庠容儀嫺雅退然善下能談論與語終日不知爲武人也同治間回亂父忠母周氏入窖被熏天德方在縣城踉蹌歸則賊已去而窖中烈燄猶

熾冒火入救糜爛死鄉人哀之爲歌曰人則文技則武手挽弓腰插矢焦頭爛額爲親死哀哉楊家好男子

張溶字鶴汀武功人官鳳翔教授以庇諸生忤上官降富平訓導瀕行諸生皆攜盒酒走送十餘里富平文廟祭器殘缺溶捐俸補之俸滿歸里盡出在官所得六白金權子母爲武邑軍流犯歲給衣食城中以此無盜溶能詩善畫著有捧腹集兄子大來字泰占增生嘗經理差局適局務隳壞構訟於乾州同事皆退縮不前大來借墊錢三千緡事乃息溶子大樸字子文以增生官四川縣丞家居時倡議疏鑿屋二曲渠灌田百頃至今賴之又修城助餉增綠野書院經費諸義舉前後輸金計數千著有蟲鳥集藏於家黃尙娃武功人世業農自前明以來九世子孫皆同爨後亦多讀

書入庠者

並縣志

張國禎永壽人流寇掠境衆皆逃避國禎見父被執即奔赴賊前泣跪求以身代者數次賊遂殺之而釋其父次日家人得其屍項傷十餘从死而復蘇厥後娶妻生子論者以爲純孝格天云

夏長發永壽人母歿停柩在堂回匪忽至衆皆逃避長發跪守柩側賊殺之並焚其屋賊去村人滅火見屍仍跪如前又張景純賊至負母逃賊執而殺之貸其母

周益鳳永壽人事母至孝母病醫藥罔效益鳳割股肉奉之病愈又趙守平篤於孝行親病亟投藥不效乃潛禱於神刺中指血調藥以進病遂痊

竇希美永壽人同治二年回匪猝至父至典年八十被害希美以父死非命未及救護悔恨傷悼竟自縊

張景星永壽人監生敬重斯文厚待鄉里歲饑出貲數百緡助賑

偶拾錢票二百緡爲趙姓所見欲分之景星告以訪還失主趙不可久之失主不至趙姓索去原票景星分文不取也

並縣志

池生蛟邠州人附生事親孝母邁疾割股和藥以進又侍疾勤苦

至於嘗糞康熙間提學旌其門

州志

池枝邠州舉人出入惟母命是聽母歿數日勺水不入口鄉里稱其孝又張克儉母有疾藥必親煎嘗而後進飲食侍奉無虧母歿寢苦枕塊三年不如葷酒鄰里婚喪不舉輒相周卹鄉人稱之道光九年俱旌表又附生池步雲事親至孝鄉里贈有匾額學使表其門亦於道光十年請旌

張經邠州人兄弟二人早失怙及長兄弟皆娶各生一子同治三年回亂弟負母逃留經守家回匪肆掠經與村人攜子姪匿崖洞被賊圍困經度其難兩全棄子抱姪乘間出走賊焚薪熏洞死四

十餘人經子與焉後遂終身無子總督左宗棠獎以孝友義士匾

額

並採
訪冊

劉士孟三水人幼讀書稍長學商而至性孝友父疾嘗糞察藥餌
父患衄血不忍棄泣而飲之閭里遠近稱孝焉

席慕孔三水人嘉慶間年四十餘乞食養母嘗娶妻生子甫一歲
值薦饑鬻田致盡妻怨貧求去慕孔毅然遣之夏秋農事急助鄰
耕穫取貲奉母餘時惟行乞以養得肉則與子歡羹暗以肉歸遺
母食十餘年不倦鄰人憐其孝與之獨厚洋縣岳震川爲作傳焉

兼採
徵集文獻
錄

劉青雲三水人同治元年九月回亂青雲年幾六十其母已八十
餘命之逃弗從遂負母由賊中逸出道遠不能移步母子相守不
捨賊至欲殺之或阻之曰此孝子也不可殺卒遇害

王吉昌三水人父歿事母維謹母病吉昌禱於神斷左手中指和藥飲之病遂安

文錦三水人夫婦持耒耕於東山勤儉持家積粟至萬石予五子各二千石值歲饑盡出其粟施貧民有司以聞賜壽官

申哲功字遜齋三水人每遇歲歉慷慨樂施乾隆十三年大饑村人不舉火者二百餘家哲功盡出積粟按口給之全活無算邑人頌德

趙登高三水人八世同居恩義最篤鄉人稱曰居家當效三水趙事聞勅旌其門曰世承聚順賜綵緞二疋及御製七言詩一章

志

並縣

焦克講淳化人五歲喪父事母最孝母歿結廬墓側朝夕拜奠不飲酒不如葷人問其故答曰余少多疾母依醫言素食疾乃痊今

雖終身齋素不足報母恩況三年乎

王璧淳化人諸生娶張氏生一子方五歲張歿時璧年二十五念張氏孝事翁姑誓不再娶年至七十餘歲步履強健孫曾林立鄉里稱爲義行所致云又諸生李廷苾字向榮娶羅氏年二十四歲羅氏生一子而逝廷苾誓不再娶子樹本乾隆間歲貢生

並縣志

郭駿譽字名臣淳化人恩貢生品學兼優天性至孝父歿廬墓三載服闋親友促之歸肄業宏道書院屢困秋闈家貧設教嚴課生徒掇高科膺顯官者多出門下生平取與不苟動必以禮光緒三年大饑或憐其貧贈以米辭曰餓莩盈野人人自顧不暇何須憐我後年老無子夫婦採藿度荒而介節不稍貶卒年七十有八縣令以直道在茲表其門

劉庶基字立齋淳化人父母早卒事繼母張氏克盡孝道母歿哀

毀骨立喪葬盡禮廬墓六載朝夕拜祭每日以畚取土封三塚爲

一壟光緒二十一年邑令以廬墓六春表其閭

並探訪冊

趙許長武人業農祖母劉病癱許飲食親侍便溺背負衣不解帶者十數年事父有至性父歿寢處柩側不薙髮不如葷不入內者二載有餘居母憂年逾六十亦如之葬畢廬墓數歷寒暑不倦

魚仲謙長武人庠生性孝友父老獨居別業仲謙年幾五十隨父同處問視定省久而不懈父或不豫則延其執友盤桓竟日典衣稱貸酒肴必致豐潔居憂三年不離喪次終身不入內遇忌日佳節輒泣下霑巾焉

曹九華長武生員事父孝回匪之亂父老且病九華戀戀膝下不忍去賊並殺之又范居福早失恃父病嘗糞知其不起號泣欲絕及歿哀毀盡禮人稱其孝

魚登瀛長武人年甫冠父母相繼歿家貧日營生計夜守墓傍三年不避寒暑鄉人稱爲孝子又鄉飲介賓尙先桂少時父母歿廬墓三年孝思不匱後爲請旌建坊

周鼎長武人優廩生光緒三年荒旱斗粟值錢二千餘鼎慨然出粟八十餘石散給鄉隣毫無德色其卹災好義如此

並縣志

程希舜鳳翔人少失怙時物不先母食隣有異饌必懷歸奉母侍疾必先嘗藥康熙間賀逆之變負母避亂途遇賊泣請曰寧殺我

勿傷吾苦節母也賊並釋之

鳳翔府志

白大有鳳翔人性至孝母病篤醫藥罔效大有朝夕拜禱忽夢神人語之曰汝母病惟人肉可愈大有驚寤遂割臂肉以進母病尋瘳弟生員大受事繼母亦以孝聞撫義弟張必遐於家分田廬與之無異骨肉

劉德厚鳳翔人性至孝父有疾不能食德厚亦勺水不入口者數日及父歿不薙髮者三年餘母卒亦如之平日守身體髮膚不敢毀傷之訓每薙髮必藏之臨終囑其子納諸棺中

張鑑鳳翔人二歲失怙母石氏安貧守節紡績撫孤鑑稍長念母劬勞樵採供養善承色笑母歿哀毀骨立廬墓三年後歸構祠奉主就地鋪草坐臥主側飲食必祭鄉里欲舉孝行鑑曰我子道有虧不敢以細行沽大名惟願不沒吾母苦節耳乾隆五年旌表石

氏入節孝祠

並縣志

胡成德鳳翔人家貧力田事祖父及父母至孝每自食糠粃而三親甘旨無缺父患癰疾久不愈成德率妻禱神願減己算以延父壽跪八十餘晝夜脛膝流血父疾果痊母歿事繼母許無異所生許得惡疾數載弗愈或謂金背枇杷竹節參可療遂入太白山歷

奇險凡七日採藥歸疾漸痊如是者三年乃大愈後許歿哀毀逾恒晝歸侍父夜侍父寢則宿墓側及父終仍廬墓三年朝夕哭奠行路感泣先是成德因葬母乏貲入市求貸途拾黃金百兩或曰此天賜汝以養父葬母也成德曰吾豈以非我有者奉親耶失主至悉歸之父聞之曰是吾子也父有貧友張進賢老而無嗣臨終囑子善視之成德延進賢於家衣食奉養六載不懈歿則變產以葬其能推廣孝思如此嘉慶十三年旌表

芮登瀛鳳翔人廩生幼失怙事母孝愉色婉容數十年無稍忤母歿哀慟躑躅幾滅性既葬廬墓三年每食必祭妻病亟長兄促之歸視一訣仍返墓所事兄惟謹館穀所獲悉歸之終身無閒言

劉桂字蘭圃鳳翔人父早逝母紡績供讀以貧故充某署書識母疾跪禱神前願減己算以益母壽尋愈久之復病嘗糞驗疾並剝